



# 4.0 Gwirfoddolwyr

## Buddsoddi mewn Gwirfoddolwyr

### Trosolwg

1. Cyflwyniad
2. Buddsoddi mewn Gwirfoddolwyr yng Nghymru
3. Sut ydw i'n dechrau arni?
4. Adnoddau am ddim
5. Cwestiynau am Fuddsoddi mewn Gwirfoddolwyr a Chyllid
6. Gwybodaeth Bellach

### Cyflwyniad

#### Buddsoddi mewn

**Gwirfoddolwyr** yw safon ansawdd y DU ar gyfer rheoli gwirfoddolwyr.

Mae'r safon yn cynnwys 6 dangosydd o arferion da wrth reoli gwirfoddolwyr, sy'n seiliedig ar y meysydd allweddol canlynol:

- Cynllunio ar gyfer cynnwys gwirfoddolwyr
- Recriwtio gwirfoddolwyr
- Dewis a pharu gwirfoddolwyr
- Cefnogi a chadw gwirfoddolwyr

Caiff **Buddsoddi mewn Gwirfoddolwyr** ei reoli gan Fforwm Gwirfoddoli'r DU.

“Mae'n cyfleu'n allanol i bartneriaid ein bod wedi cadw lefel ein gwaith yn uchel iawn yr holl flynyddoedd hyn, hyd yn oed gyda newidiadau staff. – Mae'n braf cael rhywun allanol yn edrych ar yr hyn rydych chi'n ei wneud ac yn awgrymu pethau y gallech chi eu gwella, ac mae'n anfon neges i'ch gwirfoddolwyr eich bod yn eu gwerthfawrogi”

Rob Larkins  
Prif Swyddog Gweithredol Vision 21

## Buddsoddi mewn Gwirfoddolwyr yng Nghymru

CGGC (Cyngor Gweithredu Gwirfoddol Cymru) sy'n rheoli Buddsoddi mewn Gwirfoddolwyr yng Nghymru. Yr un yw'r safonau, yr asesiad a'r achrediad i bob mudiad, ble bynnag y mae yn y DU. Bydd rhai gwahaniaethau yn y ffordd y caiff y safon ei rheoli ym mhob gwlad.

Er mwyn cael mynediad at **Fuddsoddi mewn Gwirfoddolwyr** drwy CGGC, mae angen i'ch prif swyddfa a'ch cyfeiriad cofrestredig fod yng Nghymru.



### Dolen Allanol

Gellir lawrlwytho'r safon am ddim, o dudalen groeso'r wefan.

[Lawrlwytho'r Safon Buddsoddi mewn Gwirfoddolwyr](#)

## Llwybr 1

### Hanfodion liV

Offeryn ar-lein am ddim yw Hanfodion liV sydd wedi'i ddylunio'n arbennig ar gyfer grwpiau a mudiadau sy'n cynnwys gwirfoddolwyr. Bydd yr offeryn hwn yn eich helpu i wneud gwiriad iechyd sylfaenol o'ch arferion gwirfoddoli. Mae'n cynnwys y meysydd sylfaenol lle dylid dangos arferion da wrth gynnwys a rheoli gwirfoddolwyr.

Bydd yn eich helpu i feddwl am brofiadau gwirfoddolwyr a sut gall gwirfoddolwyr helpu i wneud y gwahaniaeth mwyaf i'ch achos.

Mae Hanfodion liV yn seiliedig ar y chwe maes ansawdd sy'n llunio'r safon Buddsoddi mewn Gwirfoddolwyr newydd, felly bydd yn eich helpu chi i asesu ble rydych chi ac os ydych chi'n barod i gofrestru.

Mae Hanfodion liV am ddim i'w gwblhau. Noder na fydd yn arwain at ddyfarniad liV.



### Dolen Allanol

Gellir gweld Hanfodion liV ar wefan NCVO:

[Hanfodion liV](#)

## Llwybr 2

### Cyn-asesiad ac Asesiad o'r Safon

Mae hon yn broses 6 cham er mwyn ennill y dyfarniad Buddsoddi mewn Gwirfoddolwyr.

#### Cam 1. Dechrau

Bydd gweithdy rhagarweiniol yn dechrau eich taith liV ac yn eich helpu i feddwl am yr hyn rydych chi eisiau ei gyflawni. Bydd yn cael ei gynnal yn eich mudiad neu ar-lein a mwy na thebyg yn para oddeutu dwy awr. Gall eich asesydd hefyd eich cyfeirio at ffynonellau o wybodaeth a chymorth.

#### Cam 2. Hunanasesu

Byddwch chi'n cwblhau rhestr wirio hunanasesu er mwyn gweld ble mae eich mudiad ar hyn o bryd o ran y safon. Byddwch chi a'ch asesydd yn adolygu'r rhestr wirio ac yn trafod eich cynllun gwaith ar gyfer symud ymlaen.

#### Cam 3. Gwella arferion

Unwaith y byddwch chi a'ch asesydd wedi cytuno ar ba weithgareddau y bydd angen i chi eu cyflawni er mwyn bodloni'r safon, bydd angen i chi lunio cynllun gwella arferion i'w cwblhau, gan ystyried sut byddwch chi'n cynnwys pobl eraill yn eich mudiad.

#### Cam 4. Asesu

Bydd yr asesydd/aseswyr yn cwrdd â'ch mudiad, yn bersonol neu ar-lein a thros y ffôn ac yn siarad â gwirfoddolwyr, staff ac aelodau bwrdd, yn ogystal ag edrych ar ddogfennaeth ysgrifenedig, er mwyn asesu a ydych chi'n bodloni'r safon. Gall yr asesydd gyflwyno un o dair barn:

- Rydych chi wedi **BODLONI'R** safon
- Rydych chi wedi **BODLONI'R SAFON GYDAG AMODAU**
- NID YDYCH chi wedi **BODLONI'R** safon eto

Bydd yn rhoi adborth i chi ar lafar ac yn cyflwyno adroddiad ysgrifenedig llawn sy'n amlinellu ei ganfyddiadau.

### Cam 5. Ennill a dathlu'r dyfarniad

Llongyfarchiadau, rydych chi nawr yn fudiad sydd wedi ennill y safon Buddsoddi mewn Gwirfoddolwyr! Bydd eich adroddiad wedi mynd drwy broses sicrhau ansawdd cyn y dyfarniad er mwyn cynnal ansawdd a chysondeb y safon. Achubwch ar y cyfle hwn i dathlu eich cyflawniad, i ddiolch i'r rheini a oedd yn rhan o'r daith ac i ddweud diolch arbennig i'ch gwirfoddolwyr.

### Cam 6. Gwelliant parhaus ac adnewyddu eich dyfarniad

Nawr eich bod wedi ennill y dyfarniad, dyma'ch cyfle i barhau i gadw at yr arferion da rydych chi wedi'u cyflawni ac i barhau i wella, gan gynnwys rhoi sylw i unrhyw bwyntiau datblygu a nodwyd yn eich adroddiad. Bydd CGGC yn cysylltu â chi i siarad am y broses adnewyddu a'r buddion i chi a'ch gwirfoddolwyr ac i ateb unrhyw gwestiynau y bydd gennych chi yn ystod y drydedd flwyddyn.



#### Gwybodaeth

Mae costau'r llwybr hwn yn dibynnu ar faint a strwythur eich mudiad ac yn dechrau o £1755. Cofrestrwch ar y wefan hon i gael dyfynbris [Gwefan Buddsoddi mewn Gwirfoddolwyr](#)

### Llwybr 3

#### Asesiad â Chymorth

Mae'r llwybr hwn yn addas i fudiadau sydd newydd eu sefydlu yng Nghymru, neu rai sy'n newydd i reoli gwirfoddolwyr.

Gallai mudiadau gael mwy o hyblygrwydd o ran amser i gyflawni'r dyfarniad ar y llwybr hwn.

Byddai'r mudiad yn dilyn yr un **camau cyn-asesu** ac **asesu**, ond gallai gael cymorth ychwanegol trwy dalu £350 y diwrnod am gymorth pwrpasol sydd ei angen y tu hwnt i'r broses liV safonol.

### Sut ydw i'n dechrau arni?

1. [Lawrlwythwch y safon](#) i weld a yw hon yn feincnod priodol ar gyfer eich mudiad.
2. Trafodwch Buddsoddi mewn Gwirfoddolwyr o fewn eich mudiad, gydag ymddiriedolwyr/aelodau pwyllgor a chyda staff a gwirfoddolwyr.
3. Ystyriwch a hoffech anelu at gyflawni'r Safon. Gwnewch yn siŵr fod pawb yn cefnogi'ch penderfyniad.
4. [Cofrestrwch ar-lein](#) a siaradwch ag aelod o'r tîm liV yng Nghymru. Bydd anfoneb yn cael ei hanfon am y ffi gofrestru, ac unwaith y bydd y taliad wedi'i dderbyn, bydd Asesydd Buddsoddi mewn Gwirfoddolwyr yn cysylltu â chi.

### Adnoddau am ddim

1. Gellir dod o hyd i gyfres o adnoddau ar gyfer mudiadau sy'n cynnwys gwirfoddolwyr ar [wefan Cefnogi Trydydd Sector Cymru](#)
2. Gall eich [Canolfan Gwirfoddolwyr Lleol](#) gynnig cyngor penodol, **er enghraifft, ar ddatblygu polisiau a gweithdrefnau priodol.**

### Cwestiynau ynghylch Buddsoddi mewn Gwirfoddolwyr a Chyllid

Rydyn ni'n lobio cyllidwyr yng Nghymru i gael mwy o gydnabyddiaeth o'r Dyfarniad Buddsoddi mewn Gwirfoddolwyr drwy ddirigwyddiadau, gweminarau a chyfarfodydd.

Bydd llawer o gynlluniau grant, gan gynnwys Grantiau Gwirfoddoli Cymru a Chronfa Gymunedol y Loteri Genedlaethol yn ystyried cyllido'r gost a'r amser a dreuliyd ar ennill y safon Buddsoddi mewn Gwirfoddolwyr, fel rhan berthnasol o gais sy'n ymwneud â gwella cyfleoedd gwirfoddoli neu brofiad gwirfoddolwyr.

Bydd y tîm liV yn falch o glywed am eich profiadau; **er enghraifft, os ydych chi wedi cael cyllid i gyflawni'r dyfarniad, neu os yw'r dyfarniad wedi'i gydnabod mewn rhyw fodd gan gyrff cyllido.**

## Gwybodaeth bellach

**Buddsoddi mewn Gwirfoddolwyr**

**Buddsoddi mewn Gwirfoddolwyr**

[www.investinginvolunteers.co.uk](http://www.investinginvolunteers.co.uk)

---

**Cyngor Gweithredu Gwirfoddol Cymru**

[iiv@wcva.cymru](mailto:iiv@wcva.cymru)



Cefnogi Trydydd  
Sector **Cymru**

Third Sector  
Support **Wales**

Rhwydwaith o fudiadau cymorth i'r trydydd sector cyfan yng Nghymru yw Cefnogi Trydydd Sector Cymru.

Ceir ynddo'r 19 corff cymorth lleol a rhanbarthol ledled Cymru, y Cyngorau Gwirfoddol Sirol, a'r corff cymorth cenedlaethol, Cyngor Gweithredu Gwirfoddol Cymru (CGGC).

Am ragor o wybodaeth cysylltwch â <https://thirdsectorsupport.wales/cy/cysylltu/>

## Ymwadiad

Mae'r wybodaeth a ddarperir yn y daflen hon ar gyfer cyfarwyddyd yn unig. Nid yw'n amnewid am gyngor proffesiynol ac ni allwn dderbyn unrhyw gyfrifoldeb am golled o ganlyniad i unrhyw un sy'n gweithredu neu'n gwrthod gweithredu arno.